

大復集

五



門八和16
1205
5



大復集卷第十四

都指揮婚袁燦刊

七言歌行三十五首

赤壁圖歌



周郎舳艫大江半曹氏旌旗眼中暗當時萬馬
下中原江水千年餘斷岸黃州逐客玉堂仙停
舟到此悲秋天龍爭虎鬪慨往事酌月酬風懷
昔賢古人今人皆已矣吁嗟丹青乃誰子赤壁
之山只如此

劉武選百鳥圖歌

嗚呼鳳凰不可見人間百鳥空啁啾西飛鸚雀
亦五色滿眼誰別鼻鸞傳劉侯此圖愛者衆畫
手莫識元与宋粉繪剥落絹素新萬羽千毛尚
飛動侯有此畫先人傳珍藏未肯充南貢十襲
翻令錦綉輕百年轉見丹黃重頃來數相見午
携登我堂開圖見百鳥從此雙鳳凰鸚黃鳥黑
隱可辨行鳥立鷺遙相望延頸戢翼各共向宛

如萬國臣妾朝天王君不見蜀道阻絕岐山已
頽瀟湘無人衡岳崔嵬竹實米結桐花不開鷓
鴒怨杜鵑哀鳳兮鳳何時來

畫竹行

殷君示我林垵竹臨風寫雨奪天巧尺縑蒼筤
只两根氣勢已覺千林少蚪蟠鳳起倏有神出
雲入霧何縹緲聞君魯門西草堂萬竿白日森
烟霜怪道君身瘦如竹只對此君不食肉

垵

カタ
堅土
千

雷黃門凱旋圖歌

漢家賊盜臨京都西衝河塞東海隅鹿豹奔突
豺狼呼天子九重怒按劍將軍五道催飛符
黃門鐵鞞按營壘監視將軍奉天子征者不
憂居者喜曉戰遙隨金鼓前書行獨擁旌旗裏
烟沙忽傳畿甸清黃門奏捷旋神京將軍歸來
天子迎冊書十萬納御府勲級王千羅紫庭
封侯并將珥貂列白金緋衣照雲月黃門功多

不自說受爵元看陸機小却賞誰知魯連潔高
堂白日披圖新戎衣慘澹猶風塵坐令慷慨悲
今辰書生從此識汗馬丈夫常憶畫麒麟

呂黃門畫竹歌

黃門持此竹云是溫徽筆初聞一葉掃風雨迥
出千竿貫霜日層沙曲澗開烟滿高天雲影樓
榭寒黃門峻節与之比手排閭闔呈琅玕琅玕
摧折鳳不食咆哮虎豹天門黑鷓鳴鳩啼百草

死誰看青、滿林色君收此幅今西行雷電隨
入蒲州城龍盤嶰谷山中石更待伶倫截鳳笙

彭中丞四民圖歌

漁舟暝入桃花潯春山如聞樵採音高原犁鉏
破烟雨書閣窈窕穿松林中丞雅愛山水障清
晨自掛高堂上綠樹委迤轉衆流白雲合杳開
層嶂萬里寧論戰伐功百年宛見升平象憶昨
寇盜日橫行中原白骨哀蒼生携男抱女路斷

絕痛哭不見天邊城漁奔樵竄學士徒縱有隴
畝無人耕 至尊九重憂旰食命公殺賊、始
平近郊無復戎馬迹北屋仍傳雞犬聲明公壯
年心許國何況此身際日月二載驅馳掃漢南
一時談笑清河北出閩三分大將旗來朝獨擁
諸侯節樂土重開日光普天不動黃塵色即
今西戎忽復驕朝廷親遣霍嫖姚已聞土魯還
金印又見中丞下赤霄形像雲臺猶未畫姓名

麟閣早須標開圖更賦出車什四海甲兵從此
銷

桃源圖歌

昔我遊武陵坐石窺花源岸坂丹洞悶風迴綠
蘿翻崩崖奔古月杳嶂響哀猿行車一以過始
知人境誼真陽仙令欲南徃手持新畫來相訪
武陵山水久不覩今晨置我高堂上巖穴如聞
雞犬聲村墟但見桑麻長髻髻潭水濱點綴桃

花春山川似晉代衣服猶秦人同首茫然一烟
霧尋源誰復知真處投簪福地終有期畫中先
認桃花樹

吳偉江山圖歌

吳偉老死不可見人間畫史空嗟羨吾觀此卷
江山圖飄然意象臨虛無想彼濡毫拂絹素酒
酣落筆神骨露萬呈青天動海岳空堂白日流
雲霧洲傾岸側波嶺銜島嶼倒影翻源潭江邊

萬舸一時發中流，颶風帆崩濤湧浪勢難
久漁子舟人各回首去，鴈遙知七澤中落花誤
認桃源口烟峯蒼茫貌工，雙面髮衣冠頗麤醜
石林沙草恣點染舒卷滄洲在吾手憶昨弘治
間備藝寶絕倫供奉曾逢萬乘主招邀數過諸
侯門京時豪貴競迎致失意往來遭呵嗔由來
能事負性氣輒軻貧賤終其身嗚呼吳生豈復
作身後丹青轉零落殘山剩水片紙貴百金購

之不一得此卷流傳天地間我即見汝真顏色

張季升望雲圖歌

黃門身在青雲上眼中白雲日南望白雲飛入
楚山裏封君之堂應在此俞卿善畫更能賦畫
間青瑄開縑素晴窓落筆白雲生寫出黃門萬
里情

胡人獵圖歌

邊沙瀟灑天北風高林畫瓦鞍馬雄胡人裝束

身丰健真与此圖形貌同冬寒獵傍長城窟城
下平原日將沒呼鷹放大無不為數騎彎弓競
馳突月高琵琶海西城拂廬雪乾艷能輕金鐘
虜酒亦易醉三碗胡留驕不行白髮老胡黃戰
裙神箭仰觀天山雲衆中若認射鵰午漢家誰
是李將軍

畫馬行

畫馬如畫龍縱橫變化當無窮吾觀月山子落

筆窺神工曾向天閑貌十馬十馬意態無一同
此馬傳來幾百年古絹猶開沙漠風樹裏河流
新過雨簇簇草芽寒刺水圍人雙牽臨水邊草
色離離亂雲綺令人疑到渥洼傍波底風雷鬪
龍子細看不是白鼻騮恐是當朝獅子花紫燕
織離各惆悵其餘駑劣何足誇憶昔愛馬不惜
千金貨君王勤政樓頭坐胡奴黃衫雙繡靴
中騎出樓前過紅帕初籠汗血香玉鞭輕拂桃

一本麒麟作
騏驎

花破吁嗟玩物竟何益。遺跡徒使丹青播。只今
烽炮西北來。沙場未聞千里才。千里才固有時。
回頭為問御者誰。君看赤驥與麒麟。挽車太行
嶺。心期田子方。踟躕駕轅項。霜凋首蒼漢郊冷。
骨折秋風自嘶歎。君不見古人養馬如養士。一
飽能酬千里志。今人養馬如養豚。廐下常堆蒺
藜刺。古之良馬何代無。可笑今人空按圖。

畫鶴篇

昔聞少保寫青田。古墨千年人不傳。郎君此幅
何時得。蕭颯秋堂掃烟色。雪翎風翼如有神。萬
里出海誰能馴。我初見此鳥。重是仙人禽。朝飲
玉河湄。暮宿玄圃林。回首寒江鳧。與鴈日晚哀
鳴羨霄漢。

赤壁圖歌

老瞞橫槊江之臯。眼中吳越一秋毫。吳人鼓鼙
來江左。江頭鳴笳畫。與火旌旗飄揚北風前。舳

鱸化作江中烟英雄一去音塵滅斷水殘山弔
詞客白雪堂寒草烟暮黃泥坂下臨皇路酒酣
喚客吹玉簫江風山月不待招昔時霸業那足
數鶴夢悠悠、眇千古回首東坡百世人圖畫蒼
茫空有神

畫山水歌

蜀溪 紙明如練并州剪刀碧雲斷泥金作繪
誰所為華堂粉壁光迷亂枳花竹葉春江曲江

頭無人水空綠逶迤石逕林中出草碧沙明淨
江日欲覓秦人武陵下不見溪邊種桃者高樓
窈窕鎖烟霧只疑行盡瀟湘路瀟湘却憶舊時
遊紙上烟波生暮愁

畫菊歌

携郎畫菊只三本千花萬草無顏色夏卿墨竹
差可比陶生荏樹何須得徐君尚我誇所有閤
中携此更携酒翠幔妓雲出院遲金盃映日凭

闌久深黃穠紫雜烟臯想見五色臨揮毫叢篁
瑣碎白晝靜錦石爛熳霜天高楚江茅堂若在
眼鳳闈形闈對秋晚白葛飄零處士稀朱絃寂
寞佳人遠寒香晚節直可憐惜哉揚郎不在前
開窓為我拂絹素落筆點綴黃金錢徐君徐君
珍重此君不見天寒歲暮百草死綺羅無地看
桃李

題支与可畫竹上有東坡山谷題識

客從南方來見子手持錦軸長丈餘云是与可
之畫蘇黃書中堂展玩思超忽四百年來真故
物敗素飄零色已改古墨慘澹神猶發文生此
竹世希有一枝不異雙瓊玖冥冥烟幹動石壁
瑟瑟風葉臨窓牖筆下何須掃萬竿曾中已自
橫千畝眉山長公元擅場豫章大史誰可當片
言相推四海重隻字尚使千年藏客從何處得
此幅令我嗟嘆久憐惜蘇黃不作与可死人間

書畫無真跡勸君寶此勿輕擲

題黃車駕畫竹

畫竹忌屈不忌直息齋由來有筆力今之畫圖
幾百年人間尚白留直墨空堂畫掛風雨寒明
滅纖霧生微瀾細觀見竹不見畫何時石上削
此三琅玕八閩高士黃司馬平生好文兼愛畫
碧草停珂夏省中白雲捲幔晴窓下每逢賓客
出評品遂使破素增高價開圖似惜孤鸞鳥叢胡

為寫置荆棘中君不見洞庭之上瀟湘岸翠條
脩篁沙草亂鳳凰不棲鸕鶿怨

吳偉飛泉畫圖歌

長安獨過田子舍留我一玩飛泉畫絕壁如聞
風雨來晴天安得蛟龍揖吳生跌宕得畫理潦
草落筆皆可喜飛泉却出杳嶂間山即真山水
真水客堂六月生畫寒耳中髣髴高江灘源潭
窈窕不可測波浪洶湧多奇觀泉邊二老顏色

異偶坐似是莊與惠萬里誰論到海心百年詎
識臨淵意備哉田子今儒宗文標南指匡廬峯
不須對此更惆悵會觀瀑布青天上彩風松日
隔縹緲雲瀧雪灑何雄壯我常夢往神空向豈
無吳生好手筆為我寫寄廬山障

畫魚歌

大魚昂藏若人立衝波跋浪風江急傍觀二鯉
各有神倏忽波濤隨出入中堂鬚鬣動杳冥坐

久始識為丹青天萬里拂絹素筆力咫尺開
滄溟禹門天地雲霧裏白晝雷霆行地底何人
有力移置此酒酣相視不改容只愁化作三蛟
龍

子昂畫馬歌

秦集

學士宋王孫畫馬皆龍姿曾寫飛黃出天廐尚
留雲影落瑤池池頭馬官錦靴袴緩鞚長牽時
拂顧千載精神開絹素一朝毛鬣生風霧吁嗟

內來無人識想見奔騰過都國翠仗朱軒數往
來金羈玉勒增顏色只今天子罷南征又聞
東巡遼海城安得四馬忽然生登臺一顧千金
輕天上常隨八駿行

點兵行 以下京集

先皇簡練百萬兵十二連營鎮京觀團營十萬
更精猛嗚呼耗減今無半昨傳胡入白楊城有
勅點選營中兵軍中壯丁百不一部遣老少從

征行自從御馬還內廐私家馬肥官馬瘦富豪
輸錢脫籍伍貧者驅之充介冑京師土木歲未
已一身百役無不受禁垣西開鎮國府內營晝
夜羅金鼓四家競健三千人出入扈從圍龍虎
邊頭城塹誰營此遂使夫羊窺北門天清野曠
恣剽掠百里之內烟塵昏肉食者謀無遠慮食
皇調發紆皇顧耶今宣府大笑利殺將覆軍不
知教遼東兵馬久已疲朶顏反復非前時又聞

迺比外連結朝廷坐失東藩籬往時京邊士苦
樂今頓異且如私門卒食糧日高坐此兵昨一
出見者淚交墮從令荷父趨戰場身上無衣腹
飢餓君不見府中搥牛宰羊猪牢城蹋鞠行吹
竽高馬肥肉留京都可憐此兵西擊胡

遊獵篇

周王八駿行萬里朝遊崑崙暮滄海驅霆策電
徧天地虎驟龍馳倏烟靄再戎造父兩為佐大

人王母遙相待千金白狐來四荒螻蟻下國輕
天王君不見秦皇叱咤役九有海東驅石、為
走橋邊孺子如婦人博浪沙中鐵推吼又不見
武皇旌旗日絡繹射蛟潯陽江水赤五陵俠少
夜相遇探丸殺更還驚辟天門差戕城九重虎
豹為衛蛟龍宮紫微鈎陳翼帝座至尊祗合安
高崇脫淵之魚出山虎白龍魚服何勞苦沉江
距河勢有然萬乘反遭匹夫侮君不見曹家老

爽誠愚蒙平生不識司馬公死生禍福在人手
寧能常作富家翁一門流血豈足惜坐使神器
歸奸雄昨夜昌平人夢天龍文赤日繞燕川城
中莫辨真天子道上傳看七寶鞭腐儒為郎不
扈從願奏相如諫獵篇

觀吳進士舞劍歌

我來江夏吳郎宅夜觀吳郎舞劍起古匣塵埃
鐵生繡玉珥金環為子理燈前照耀雙寶刃蛟

龍盤峯雷怒號仰瞻南斗有紫氣却顧東海無
波濤吳郎別我適南國萬里開樽動顏色我亦
將之五岳遊須爾仗劍芟虺蜮不然持此擊名
王況今關塞風塵黃酒酣自覺神益揚左揮右
霍秋月老吳郎蛇矛更精突墻頭角弓力十斛
平生豪俠真可憐耳熱白眼看青天嗟哉此宅
不足展君舞室卑地窄難迴旋

柳絮歌

長安三月百花殘滿城飛絮何漫漫千門萬戶
東風起陌上河邊春色闌美人高樓鎖深院白
花濛濛落如霰晴窗窈窕朝日遲亂入簾櫳趁
雙燕遊絲相牽時裊裊委地飄廊不須掃君不
見江頭綠葉吹香綿隨波化作浮萍草

明月篇 并序

僕始讀杜子七言詩歌愛其陳事切實布
辭沉著鄙心竊效之以為長篇聖於子美

矣既而讀漢魏以來歌詩及唐初四子者
之所為而反復之則知漢魏固承三百篇
之後流風猶可徵焉而四子者雖工富麗
去古遠甚至其音節往往可歌乃知子美
辭固沉著而調失流轉雖成一家語實則
詩歌之變體也夫詩本性情之發者也其
切而易見者莫如夫婦之間是以三百篇
首乎睚鳩六義首乎風而漢魏作者義關

君臣朋友辭必托諸夫婦以宣鬱而達情
焉其旨遠矣由是觀之子美之詩博涉世
故出於夫婦者常少致兼雅頌而風人之
義或缺此其調反在四子之下与暇日為
此篇意調若髮髯四子而才質猥弱思致
庸陋故摘詞蕪紊無復統飭姑錄之以俟
審聲者裁割焉

長安月離々出海嶠遙見層城隱半輪漸看阿

王當作正

閣銜初照激灑黃金波團圓白玉盤青天流景
披紅葉白露含輝汎紫蘭紫蘭紅葉西風起九
衢夾道秋如水錦幌高褰香霧開瑣闌斜映輕
霞舉霧沉霞落天宇開萬戶千

門月明皎
裏月明皎陌

光一本作先

東西栢寢岩堯望不迷侯家臺榭光滿戚里
笙歌影乍低濯々芙蓉生玉沼娟娟楊柳覆金
堤鳳凰樓上吹簫女蟋蟀堂中織錦妻別有深
宮閑深
院年々歲々愁相見金屋螢流長信階綺櫳燕

深當作深

入照陽殿趙女通霄侍御床
班姬此夕悲團扇
秋來明月照金微
榆黃沙白路遠迤
征夫塞上行
憐影少婦窓前想
畫眉上林鴻雁書中恨
北地關山笛裏悲
書中笛裏空相憶
幾見盈虧淚沾臆
紅閨貌減落春華
玉門腸斷逢秋色
春華秋色逝如流
東家怨女上粧樓
流蘇帳捲初安鏡
翡翠簾開自上鈎
河邊織女期七夕
天上嫦娥奈九秋
七夕風濤還可渡
九秋霜露迥生愁

九秋七夕須臾易
盛年一去真堪惜
可憐揚彩入羅幃
可憐流素凝瑤席
未作當壚賣酒人
難邀隔座援琴客
客心對此嘆蹉跎
烏鵲南飛可柰何
江頭商婦移船待
湖上佳人挾瑟歌
此時憑闌垂玉筍
此時滅燭斂青蛾
玉筍青蛾苦絨怨
絨怨含情不能吐
麗色春妍桃李蹊
遲輝晚媚菖蒲浦
與君相思在二八
與君相期在三五
空持夜被貼鴛鴦
空持暖玉擎鸚鵡
青衫泣掩

琵琶絃銀屏忍對瑩篴語
瑩篴再彈月已微穿
廊入闥霽斜輝歸心日遠
大刀折極目天涯破
鏡飛

邯鄲行

邯鄲道上車馬多行人
夜火渡漳河邯鄲女兒
年十五能彈琵琶善歌舞
青燈朱戶夜當壚壚
頭酒熟喚客沾玉壺
青絲為君繫不妨醉向邯
鄲途君不見邯鄲市
昔日繁華安可擬鳴鸞佩

壁

玉青雲間鬪雞走馬紅塵裏
平原門前客如雲
千載淒涼竟何是黃金白壁成
飛灰歌樓舞榭
空流水傷心萬事俱可嗟
草長叢臺白日斜
廢苑當時在何處舊宮今日作誰家
古來富貴俱
寂寞有酒樽前胡不樂

玄明宮行

君不見玄明宮中滿荆棘
昔日富貴今寂寞祠
園復為中貴取遺構空傳孽
臣作雄模壯麗凌

衰
廷

朝廷遠勢連，衰跨城郭。憶昨己巳年來事，乘
權自倚薰天勢。朝來天子苑，暮奪功臣第。江
艘海舶送花石，戚里侯門擁金幣。十人力盡萬
牛死，士木功成悲此地。碧水穿池象溟渤，黃金
作宮開日月。虹蜺屈曲垂三梁，蛟龍盤拏抱雙
闕。城中甲第更崔嵬，親戚弟兄皆闕閱。撼里歌
鐘賓客遊，排門冠劍公卿謁。生時千門與萬戶，
葬地那遺一丘土。石家遊魂泣金谷，董相然臍

蜺

土

訶

貴

嘆堠塢宮前，守衛無呵呼。真人道士三四徒，石
戶蒼苔生鎖鐵。玉階碧草搖金鋪，星宮晝開見
行鼠。日殿夜溝聞啼狐，遊客潛窺翠羽帳。市子
屢竊金香爐，桑田須臾變滄海。桃樹不復栽，玄
都我朝中官誰最貴。前有王振後曹氏，正統以
前不得聞。成化之間未衣此，明聖雖能斷誅
罰。作新未見持綱紀，天下衣冠難即振。中原寇
盜時復起，古來禍亂非偶然。國有威靈豈常恃，

玄明之宮今已矣京師土木何時止南海猶催
花石綱西山又起金銀寺君不見金書追奪鐵
券革長安日、迎護勅

苦熱行簡問良伯

六月二十火雲發京師毒熱勝吳下清晨衣冠
不敢出對食欲餐汗滿把閉門袒跣真發狂隱
几寤寐何由假風雲眯目忽入城疾雷破墻雨
破瓦此地樓臺更鬱蒸西山殿閣空瀟灑姑蘇
門詞容同杯酒咫尺金門接玉堂碧霄共立空
翹首

晚雨君卿招不赴

騎馬出門還復入六月陰晴不可卜簷前星出
乍有無城上雨來時斷續炎天留客夜苦短燕
地近秋暑偏酷何人同對寺中花憶爾獨伴啼
鳥宿

觀召鼓歌

我來大學謁孔廟下觀戟門石鼓陳之果詎楚
幾埋沒此石照耀垂千春苔昏蘚澁讀難下蟲
彫鳥剝紬不分古畫詰曲蛟龍隱石氣慘淡烟
霧氛周王功勳史籀筆數石散落岐陽濱中興
氣象豈復覩大篆意格誰曾聞先秦文字稍近
古兩漢摹搨多失真六朝以來尚靡麗鍾王往
往稱通神唐韓宋軾迺歌嘆長篇險韻何悲辛
大觀之間入汴國君王好藝崇斯文高駝百艦

遠載致金填玉嵌傳相珍靖康乘輿忽播蕩保
和玩物隨烟塵神驅鬼守散復聚至寶豈得空
沉淪 文皇北來定燕鼎不置大廟留成均博
士無煩上書請書生頗得親識詢虛廊畫壁安
置穩大厦長簷覆蓋新不隨鍾鼎怨磨滅已與
琬琰爭嶙峋平生博覽愛古跡世上墨本徒紛
紜此雖殘缺歲已久尚覺隻字輕千緡壁池日
月動華衮奎閣星斗羅貞珉嗚呼孔廟在萬世

此石与廟長無湮

同李進士觀銅雀硯歌

君不見鄴中魏帝無宮殿千秋遺瓦磨為硯墨
客騷人空嘆嗟未盡綺構誰曾見李君好古精
鑒別冬天拂拭開烟雪虛堂叩之哀玉音泥沙
洗出黃金屑廣州紫石鸚鵡眼歛山龍尾何希
罕濡藻光迴星漢垂蟠花背刻龜螭斷共憶高
臺羅綺春翠眉艷骨飛黃塵提携故物悲年代

感慨新章泣鬼神君不見臨漳此物難復覩河
沉岸圻求者苦縣人相傳為鴈臯古嗚呼日掘西

太白山歌 秦集

我聞太白橫西域百里蒼々見寒色靈源萬古
誰窮探雷雨窈冥巖洞黑中峯迢々直上天瑤
宮玉殿開雲烟千盤萬折不到頂石壁鐵鎖空
高懸陰崖皚々楨古雪絕壑長松幾摧折 道

斜穿劍閣雲龍潭倒映峨眉月高何出世人不
知飛仙凌空笙鶴隨洞天福地在只尺悵望塵
海令心悲

大復集卷第十四

烟黃島嶼秋逾靜軒窓晚更涼憑高凝竚久槐
影下微陽

三

長劍向燈看休歌行路難巖窓懸石溜江檻殺
風湍城古簾葭夕堂空蟋蟀寒幾回青瑣闥朝
罷想鳴鸞

四

江上西風起蕭條暮雨頻山樓連堞壘郡路入

荆榛懷古過沅水○悲秋弔楚臣○芷香堪採掇思
寄日邊人

沅州道中四首

山行多雅興○十里幾人家○林葉垂朱實○蹊藤落
紫花○緣崖防轉石○傍岸畏頽沙○不見前溪堡○遙
聞奏暮笳

二

歲月驚長道○風塵惜舊緣○鈎雲盤曲磴○沿月溯

迴溪○南國疲征斂○西戎厭鼓鼙○山深正愁絕○落
日鷓鴣啼

三

共說關門險○峇堯不可攀○山峯藏曲折○澗道瀉
潺湲○絕壁人愁下○長林鳥倦還○官程元有限○行
旅敢辭艱

四

向夕人烟近○肩輿歷翠微○驛花明去節○山霧上

征衣果熟收梨棗。莖香萸蕨薇。開樽對佳客。且喜吏人稀。

平溪

徙倚平溪館。天高秋氣清。水螢光不定。山籟響難平。夜火雲間戍。寒楓江上城。終宵無寐高枕聽灘聲。

清浪

駐旌清浪衛。半日費攀躋。窓迥開千嶂。城高控

九溪。征徃無楚戶。耕種有蠻妻。愁問滇南道。迢迢隔嶺西。

李參謀府二首

參謀開夕宴。邀我坐深更。暇日遊觀少。清時號令平。旌旗巡哨堡。鼓角啓嚴城。莫笑書生腐。樽前解論兵。

二

高衙赫弘敞。鎮坐撫南蠻。畫戟環千士。雕甍插

萬山秋高鼙鼓振風靜虎旗閑聞道西戎亂將
軍莫破顏

鎮遠三首

古郡青山下經過駐使車土官迎
詔拜蠻客望城遮壘嶂營孤壘清江繞百家
晚來官署裏獨坐詠皇華

二

地僻先搖落空亭長綠莎山川連蜀道市井雜

夷歌旅篋衣裳少秋程風雨多無人相問訊盡
日撫寒柯

三

寥落古城地斜光照戍旗關臨苗子砦洞入長
官司殊俗終難近蠻音久易知踟躕暮江上又
是仲秋時

查城十五夜對月五首

中秋看月色移席近前楹河漢三更沒關山萬

里明風烟依獨戍。砧杵聞空城。此夜高堂上。多
應念遠征。

二

天上何所有。團圓白玉盤。可憐秋半月。只是客
中看。影直朱樓午。輪高青嶂寒。美人何處共。光
彩隔雲端。

三

驛舍山東下。閑吟月出歌。婆娑籠夕桂。窈窕入

雲蘿。玉兔中天滿。清輝近水多。廣寒高幾許。臺
殿鎖嫦娥。

四

小市無蕪味。鄰家酒亦慳。佳期三五夕。遠客萬
重山。霄漢分秋色。風塵照旅顏。去年當此夜。坐
對紫薇間。

五

我愛秋霄和。西林待月斜。百年幾圓缺。今夜倍

光華○兄姊俱殊土○田廬有舊家○金波如客淚○獨
洒向天涯○

安南

崎嶇踰嶺路○到郭已昏鐘○城險苗難近○關高賈
不通○郊烟秋牧馬○崖日暖收蜂○民俗殊中域○生
涯亦頗同○

送孫教諭

三年別燕市○萬里喜相尋○祿少供親膳○官清任

士林○極輿迎白髮○芹含擁青衿○莫謂蟠龍久○風
雲起碧岑○

未寧舟中

霜降水還槽○舟行不覺勞○順風歌浪疾○亂石下
灘高○漁舫依紅蓼○人家住白茅○鄉園待歸客○應
已熟香醪○

江門

小店江門市○孤舟聞暮砧○遠沙含細雨○缺岸隱

疎林○旅宿青楓晚○人烟翠嶽深○漸臨巴蜀道○一
慰望鄉心○

灩澦

霜落菱門樹○寒江灩澦孤○狂瀾湏此障○砥柱賴
誰扶○入峽愁○客當關用一夫○何勞念西域○千
載固輿圖○

峽中

自昔偏安地○于今息戰侵○江穿巫峽隘○山鑿金鬼

門○深濁浪魚龍黑○寒天日月陰○夜猿啼不盡○淒
斷故鄉心○

旅行

日暮行湘水○春深別上都○繫舟南斗近○倚劍北
雲孤○骨肉千行淚○風塵萬里軀○王孫江上草○何
處采蘼蕪○

滹沱河上以下家集

長堤枕春郭○斷岸入殘暉○栖鳥張燈起○驚鳥鳧解

纜飛○古人○堪墮淚○吾道○豈常非○未識○臨河意○中
流繫○柁歸○

渡淮

津口○風翻旆○春陰○鬱未開○淮流○衝古岸○沙店○倚
長臺○鳥向○平蕪下○人隨○返照○回○未忘○舟楫興○臨
路○獨遲徊○

贈劉大參

自識○文翁化○佳聲○滿大藩○野人○看霧冕○稚子○望

行軒○草色○青春細○棠陰○白晝繁○東風○應有意○先
到○宛陵原○

寄陰舍人

卧病○春城暮○相思○汝水濶○紫薇○鸞鳥○依遠○碧草○鳳
池深○鳴珮○他年夢○看花○此日心○故知○俱散盡○北
望○一沾巾○

雨霽

斷雨○懸深壁○餘雷○振遠空○蒼林○橫落日○碧澗○下

殘虹萬井安光靜
千家樹色同
何因共朋好
歸詠舞虜風

雨

獨坐浮雲起
徘徊夕照孤
長風生遠樹
細雨平蕪暗
牆飛蟲落高林
宿鳥呼昭回
曾有促此日
慰田夫

鳴蟬

仲夏鳴蟬集
窓臨碧樹陰
清心吾愛爾
長日自

悲吟露葉朝
栖靜風林夕
響沉偶通觀
物理幽意坐來深

送孫太守

五馬朝天日
傾城出餞時
倪寬行考最
何武去留思
碧草朱輪重
青雲皂蓋移
聖朝崇漢史
功業正當期

五月望月食

月食逢中夏
山城黯陰孤
燈今夕淚
哀角萬

方心露嶂看初滅。風簾望轉沉。清光無遠復。齋
坐及更深。

葵

春後群花盡。孤葵且自芳。弱莖依井上。勁幹拂
簷長。衛足金生理。傾心倚太陽。幸因佳客至。採
掇薦中堂。

立秋寄獻吉

山城一葉下水榭。已迎秋夜迥。高風至。天空大

火流稍蘇。司馬病翻遣。宋生愁日暮。關河外思
君重倚樓。

寄樊國賓

不見樊鄉人。空憐歲月長。愛書王逸少。癖畫米
元章。業紹青緗舊。名沾玉牒香。十年相會地。燒
燭對秋堂。

沱西別業

使君方擁郡。別業枕沱湄。城倚章華殿。山藏大

禹祠睹碁憐謝傅看畫憶王維未是懸車日烟
雲入夢思

東昌公哀詞

東昌公奄沒已踰三時痛悼之餘篇什尚
缺然其情未可已也於是作哀詞五首

壯志空寥廓中年與世辭露寒青草夢風慘紫
荆悲入政光前輩傳經實我師大蘇碑不忝慚
繼子田詞

二

岳城淹六紀東郡未經年別駕王祥勝彈琴子
賤賢一官猶黑髮萬事已黃泉銘石看遺績淒
涼太史篇

太史康德涵也

三

江海悠々逝那堪死別情尚平婚未畢卓宰宦
初成夜雨原花落秋風墓草生九泉何日返空

復望佳城

四

復○鬼○黃○河○遠○歸○程○汝○路○偏○素○車○臨○故○域○華○表○立○
新○阡○室○女○啼○秋○夕○鄉○人○弔○墓○田○蕭○條○風○雨○候○愁○
絕○對○床○年○

五

一○自○封○泉○室○偏○驚○節○序○除○白○揚○悲○北○郭○青○草○蔓○
荒○墟○天○地○存○亡○裏○江○湖○涕○淚○餘○寂○寥○身○後○事○不○

忍讀遺書

中元夜月

片○月○東○城○上○長○風○度○早○秋○光○臨○青○嶂○發○影○抱○碧○
潭○流○灑○氣○沉○沙○浦○餘○輝○戀○水○樓○何○人○更○吹○笛○關○
塞○不○勝○愁○

西郭

西○郭○樓○遲○地○寒○山○夕○景○繁○雞○豚○歸○故○道○烏○雀○下○
秋○園○開○戶○林○風○入○沿○坡○草○露○翻○香○粒○夜○來○熟○歲○

暮足盤痕

穫稻

穫稻妻孥喜中宵尚築場但堪供俯仰那復問
倉廩合畝黃雲盛翻匙白雪香更須催釀酒溪
上鯉魚長

夢何粹夫

內翰同鄉客新知交更深春從都下別秋向夢
中尋圖史留東觀詞章侍上林中霄憶顏色慰

我紫居心

晚歸自溪上

秋到城西樹綠溪落葉多數家連水竹一逕入
烟蘿廢井寒蛩聚閉窓暮雀過濯纓聞孺子燈
下亦悲歌

客至

蓬門斷來往草徑自荒蕪有客何方至呼兒問
濁醪彈琴待風月把酒話江湖更枉新詩贈長

吟興不孤

登樓二首

眇、憑高暮、景物間、秋陰生巨壑、雲氣度
西山、一郡寒烟、千門落照、此時瞻北極、萬
里欲飛攀

二

縹緲東樓上、長凭興不慳、病來踈眺望、秋至廢
躋攀、日落河山暮、風迴草樹班、夜殘猶未倦、坐

待月臨關

同清溪夜坐二首

細雨侵高樹、空堂散鬱蒸、詩成揮彩筆、話久落
青燈、鳳字慚稽叔、龍門愧李膺、瑤琴多古操、數
為拂朱繩

二

移席留長坐、更深雨漸繁、竹寒庭鶴警、燈靜壁
蛩喧、舟楫淹歸計、琴書代晤言、知君多雅興、常

過蔣生園

雨夜似清溪二首

院靜聞疎雨。林高納遠風。秋聲連蟋蟀。寒色上梧桐。短榻孤燈裏。清笳萬井中。天涯未歸客。此夜憶江東。

二

微雨初搖颺。風吹洒更長。冥冥來石壁。颺颺近秋堂。螢火流深塹。鷓鴣下淺塘。吳歎當此夕。哀

切興難忘

雨後邀馬君卿

寂寂楊雄宅。琴書誰與同。青山過片雨。白日抱殘虹。塵榻還堪卧。清樽未可空。相看城郭暮。那忍負秋風。

雨中和清溪

濛雨瀟條至。悲風日暮多。積陰生徑草。未夜落庭柯。宅愧高人隱。門勞長者過。白鷗如有意。相

逐下烟波

清溪草堂

沈子高吳人也。構草堂於清溪之上。以為
隱居焉。今年北還。至申來訪。子道清溪之
勝。遂為作詩四首。

草閣臨溪上。幽期孰與論。白沙連曲岸。秋水到
閒門。檻外常垂釣。舟中數舉罇。風情有如此。不
異浣花村。

二

夜、聞清瀨。朝、見碧潯。百年應有寄。終日自
長吟。宿糞依沙樹。開窓散渚禽。生涯衆人事。不
獨愛幽深。

三

隱者常稀闊。幽居獨羨君。汀洲起漁唱。籬落傍
鷗羣。水接吳門樹。窓生禹洞雲。更傳詩句好。還
似沈休文。

四
太湖、上地聞占好園池。有業堪投老，無官可
避時。渡傳桃葉詠，門聽竹枝詞。何日山陰棹，溪
堂見戴逵。

懷高鐵溪先生四首

積雨空林畔，庭除烟霧昏。佳人不我至，樽酒向
誰論。野樹斜連屋，秋山遙對門。何時孤興發，騎
馬到荒林。

二

吾慕高夔府，風流漢長卿。新詩裁錦字，麗賦擲
金聲。早謝人間事，幽通物外情。相違動旬月，何
日見黃生。

三

磊落真邦彥，襟期亦我師。右丞元好畫，謝傅未
忘碁。花鳥留新興，雲山待妙詞。小堂能枉駕，一
為細論詩。

僻居臨水次竹樹稍深幽對景非無酒登高亦
有樓好風吹末夜片月度清秋不見孤舟至令
人憶子猷

八月丁日

孔庭嚴祀典冠冕萃吾鄉霄漢迴清樂星辰入
畫裳萬年仍俎豆千仞自宮牆此日斯文地瞻
依病未忘

初度

此日逢初度悲懷却自寬久為京洛客初乞茂
陵官堂上慈顏喜燈前稚子懽一杯承膝下願
得歲相看

夜

地遠柴門靜天高夜氣淒寒星臨水動夕月向
沙底入室喧虫語張燈任鳥啼自然幽意愜不
是戀深樓

陰

慘淡長陰合。蒼茫四望同。地秋還易雨。樹晚故
多風。樓閣山寒裏。衣裳水氣中。農家務收穫。早
為豁層空。

吾州

遼邈吾州地名。從申伯來。通淮一水下。入楚萬
峯開。舊國無遺廟。寒城有廢臺。秋郊獨臨眺。懷
古意悲哀。

北望

北望風塵裏。遙思日月邊。山河臨地極。樓觀倚
星纏。翠羽開諸國。金甌至萬年。自從歸病後。常
夢五雲前。

贈張合之秀才二首

張子元竒士。携書過我林。激昂高論氣。落魄遠
遊心。一飯山家晚。孤燈夜雨深。城邊有歧路。送
爾獨長吟。

二

匹馬何時出還家此日心下生懷楚壁郭隗待
燕金雄劍青雲志哀絃白雪吟功名少年在
不
必淚沾襟

雷

不見蒼山破虛聞巨壑馳烈聲迴地底餘響落
天涯颯何由避蛟龍得自隨中霄沛雲雨威
澤正當時

月二首

宛々秋山月今宵尚未圓光生萬里外影對一
樽前城靜虛弓倚樓高破鏡懸草堂風露下終
夜不成眠

二

片月中秋迎輝光一歲無天清驚塞雁夜冷落
楓鳥不寐知宵未無言對影孤更深何處沒萬
里墮江湖

三關

楚塞三關隘。雲峯入望重。何年戎馬地。空有昔
人蹤。積水沉秋堞。長烟帶古烽。乾坤當失據。饗
餐任羣亮。

九月

九月清霜下。中林蕙草寒。暮霞多變態。秋色不
宜看。丘壑容吾拙。乾坤敢自安。古來俱涕淚。况
復歲華殘。

大復集卷第十六

五言律詩八十一首

樊秀才園內菊

樊生園內菊相對小塘西
露蕊凄凄放風枝裊裊
依石竹下發與畹蘭齊
明日重陽酒殷勤為爾携

九日同馬君卿任宏器登高四首

歲々重陽菊開時不在家
那知今日酒還對故

園花野靜雲依樹
天寒鴈聚沙
登臨無限意何處
望京華

二

遠地宜登望
秋光薄暮濃
樓高窺萬井
潭迥落千峯
花為重陽發
人懷百歲逢
同遊俱俊彥
樽酒得從容

三

病思逢佳節
孤懷憶遠遊
河山還似昔
烟樹不

勝秋
故國浮雲去
高臺日暮愁
牛山元有恨
休訝淚長流

四

向夕楓杯爽
行吟未擬回
明霞積水外
落日古城隈
鼓角秋深怨
風霜歲晚催
莫將遲暮意
孤負菊花杯

登釣臺

野闊窮秋出
雲寒望未開
萬峯遙駐馬
殘日更

登臺木落龍蛇卧。沙空鴈驚來。孤懷對搖落吟。罷有餘哀。

孟冬

孟冬嚴氣至。坐見物華微。古樹猶秋色。寒山半夕暉。江湖深欲凍。鴻鴈各知歸。羸病便深卧。從茲日掩扉。

寄孫世其舉人

得意西風裏。賓筵聽鹿鳴。此生看事業。今日重

科名。錦樹連江路。秋花照楚城。北來休太晚。慰我隔年情。

除架

苦葉蕭疎久。秋匏亦委沙。家人空抱蔓。山鳥莫啼花。零落親寒事。蹉跎感物華。衰榮轉相代。何必恨生涯。

十月

十月蒼山靜。孤村帶郭長。卜居憐此地。高枕復

吾鄉野霧沉寒日城陰遲早霜一年看欲暮酒
熟共誰將

懷孟望之

消息三秋隔虛瞻鴻雁群長安望不極落日起
浮雲奉使何時出吟詩誰共聞豈知離索久病
思日紛

寒

水郭逢寒早城陰慘澹中遠山常霧雨衰柳更

天風病骨思狐貉愁顏付酒筵關河待冰雪何
處有途窮

殘菊

寒叢後搖落冬至亦蹉跎病葉強相守孤英無
柰何園籬空自愛霜霰暮還多幸有餘香在深
杯為爾歌

韓席二僉憲見過留飲

野外慚供給台端枉駕來河魚還自取樽酒為

君開落木寒風急孤城暮雨催相逢孟冬節翹首待陽回

晴

冬郊零雨霽烟郭望初分獨樹餘寒照平沙足晚雲風鳶高不下野鶴迥難群夕坐親杯酒長歌還自聞

雪東沈馬任三子

黯、山雲起茅齋傍水涯一冬纔見雪十月已

開花霧裊寒城霰風吹野岸沙同遊詞賦客騎馬入誰家

喜望王之至以詩迎之

經歲青山下空吟求友詩故人天上至慰我病中思臘近水霜苦春回草木知小堂終日待社駕莫教遲

再別清溪子

冬館蕭條別開樽為爾吟岸梅催客鬢江柳送

歸心南國浮雲暮孤城積霰陰逢春湖鴈起休
滯北來音

得錢木部書

故人俱落鬼木部近何如河上三年別天涯十
月書烟波愁望裏風雨夢魂餘更枉懷人作長
吟淚滿裾

懷沈子

沈生南國去別我獨淒然落月清江樹歸人何

處船十年安陸舍數口太湖田想到鄉關日生
涯亦可憐

別望之

相送不得遠臨水一悲歌行雲暮不止遊子意
如何楚塞風烟迥燕關雨雪多春還問消息尺
素莫蹉跎

洪法寺別錦夫遂伯

古寺垂楊裏樓臺照落暉重來舊遊地却與故

人遠雲樹千山暗風花三月飛未將湖海淚空
灑路傍衣

寄孫世其

世路渺難定相期未有涯昔為燕地客常到楚
人家繫馬中堂樹聽鶯上苑花故園看北斗腸
斷憶京華

酬葛時秀

罷歸翻自喜舊業有青山積雨稀來客孤雲獨

往還良朋枉高倡撫卷一開顏何日還乘興題
詩到竹間

懷葉時華

佳人湖上住亭榭迥堪憐手把青荷葉行吟綠
水邊客皆蓮社友人是竹林賢欲繫空庭馬聞
君高樹蟬

雨夜

雲薄高城上孤亭郡郭西暗中螢火度燈下草

虫啼零落同遊客。淒涼舊雨題。高歌視雄劍。慷
慨為誰携。

遊賢隱寺次馬君鄉韻

繫馬長松下。風烟幾日留。天高還薄暮。地迥更
逢秋。孤嶂開僧舍。千峯繞佛樓。自能來白社。不
用遠公求。

與孫世其晚坐

留客江村暮。開樽對浦沙。池心上孤月。樹杪落

殘霞。地僻唯宜竹。秋高未有花。琴書堪晤語。隨
意宿山家。

十四夜

水際浮雲起。孤城日暮陰。萬山秋葉下。獨坐一
燈深。白露蒹葭落。西風蟋蟀吟。關山今夜月。橫
笛有哀音。

雨中

一室高原次。遙天起夕風。雨來汀樹外。日沉山

霧中鳧鴈秋沙靜。鷄豚委巷通。白雲望不盡。相對意無窮。

寄雷長史

不見雷夫子。相望歲半餘。王門盛賓客。仙府足圖書。賈傳才誰敵。相如病獨居。憐君兼吏隱。休憶錦江魚。

宿胡山人家

騎馬侵晨出。看山至日昏。鳴鷄千嶂裏。高樹一

家村。白石斜通逕。清泉直到門。祇疑人世外。別自有乾坤。

登堅山寺

西峯插天起。絕頂寺門開。雲裏一僧住。山中無客來。落花平講席。積草徧香臺。我欲聞清梵。焚香坐不回。

寄焦太史蘊德

抱璞聲名舊。逢時意氣殊。麒麟出天廡。驥裏在

雲衢○世史稱司馬○英詞繼董狐○遙知東觀裏○終日會文儒○

寄馬君卿進士

憐君得意日○騎馬向春風○通籍金門裏○分曹畫省東○宮袍唐進士○陞戟漢郎中○辭賦相如妙○聲名誰與同○

寄阮行人

夫子風流士○高懷近若何○張騫能奉使○阮籍自

行歌○文字留中嶽○樓船渡大河○梁都看不遠○枉駕幾時過○

寄張季升給事

獨立當霄漢○清譽在處聞○朝趨青瑣闥○日侍御鑪薰○温室十年樹○蓬萊五色雲○同年還愧我○天上早離羣○

寄孟望之

昔在長安日○相看慰別顏○君行太行谷○予亦下

燕關春去無消息。秋來書未還。可憐骨肉夢常
越萬重山。

寄戴仲鶚進士

戴生久離別。宦况近何如。白日閑官舍。青雲近
帝居。明時難自晦。直道未應踈。問我生涯事。山
中懶著書。

懷李獻吉二首

聞君在羅網。古道正難行。無使傳消息。憑誰問

死生。東方元太歲。李白是長庚。才大翻流落。安
知造物情。

二

冠蓋京華地。斯人獨可哀。神龍在泥淖。朱鳳日
摧頽。世路無知己。乾坤孰愛才。梁園別業在。何
日見歸來。

九日同諸友登賢隱山五首

九日西山上。登臨思渺然。高城過一鴈。疎柳歇

繁蟬勝槩仍佳節。同游似往年。休將竹葉盞空
對菊花前。

二

古寺來遊日。高秋雲物清。樓臺萬目時。序百
年情。野樹斜侵郭。河流曲抱城。明年當此際。誰
與共題名。

三

野望秋無賴。西風城樹澗。浮雲滿天地。落日更

蕭條。醉舞隨長劍。哀歌逐短簫。龍山高與者。千
載意難招。

四

野寺空崖裏。高臺舊國傍。山川待我輩。風日媚
重陽。雲嶠秋臨迥。松林暮倚長。由來宋玉意。搔
落日悲傷。

五

薄暮經行處。千巖落照深。孤松秀雲壑。衆草莽

寒林故里登高興。平居懷舊吟風前。一感慨不
異古人心。

望京師寄王臈方

北望依南斗。長安萬里愁。西風入上苑。楊柳落
金溝。雲近蓬萊閣。天迴太液流。仙郎歸盡首。高
詠接同遊。

九月懷鐵溪一

獨憶高夔府。何時騎馬來。一秋常卧病。九日廢

登臺寂寞傳杯手。淒涼作賦才。陶家園內菊。風
雨為誰開。

雨後次孟望之二首

斷雨藏深浦。殘雲霽晚空。人家亂水外。野艇夕
陽中。風急鳴江鶴。天高落塞鴻。滄浪浩歌起。身
世羨漁翁。

二

萬里看無際。高秋接素氛。沙村昏片雨。石壁明

孤雲鴻雁常求侶。鳧鷖不離羣。寒山有落木。風起暮繽紛。

霜節

鼓角蒼山畔。孤城此歲殘。迴風夜不止。清霜日以繁。未惜瓊樹脫。還悲瑤草寒。陽春在何日。幽谷待鳴鸞。

為王子悼亡

玉兔無消息。星辰隔紫泉。舞鸞沉寶鏡。飛鳳落

金鈿。不待中郎貴。空傳上婦賢。平生浣沙處。流水恨潺湲。

送柴先生之霍丘訪朱調元

客裏黃金盡。天邊逐歲華。寒燈具行李。早飯出山家。東路蘼蕪滿。西風楊柳斜。朱君舊相識。見爾惜生涯。

送孫世其舉人歸華容二首

似爾聰明少。吾生望未涯。孤城常作客。九月始

還家暮雨沉關樹。寒風落渚花。洞庭秋色裏。為我弔長沙。

二

爾去荊州府。孤帆幾日開。山過宋玉宅。江到楚王臺。落鴈衝人起。浮雲度水來。悲懷兼別緒。歲暮若為裁。

萬歲節

北望看辰極。孤城首重回。祥雲九重殿。仙露萬

年杯。鳳輦通霄備。龍旂拂曙開。侍臣金鑑錄。誰有九齡才。

任宏器過訪

磊落同鄉友。相尋到水涯。山中沽白酒。籬下覓黃花。積水寒天闊。連峯夕照斜。興來高詠起。揮翰滿烟霞。

客至

野外逢迎少。柴門落葉稠。人閑不掃室。客到始

梳頭。且為烹茶坐。還因看竹留。登臨如有興。更上水邊樓。

上祖塋

故城西山繞。佳城望轉幽。松寒迷唳鶴。草暖集眠牛。不見丘原起。空懷霜露愁。諸孫時掃謁。哀淚灑松楸。

上亡兄墓

阡北還經歲。音容不可追。幾時門更散。今日路

人悲。壑有藏舟處。林餘挂劍枝。哀、憐小第難忘。鵲鴿詩。

訪賈西谷

儒宮入古檜。泮水靜塵埃。偶到閑官舍。能孤遠客杯。開門黃葉落。展席清風來。更喜庭前菊。寒花日暮開。

西郊秋興八首

立馬西郊地。悲風慘淡生。白楊落古墓。黃葉下

孤城流水年々去。浮雲日々行。滄浪清苦許。聊
可濯吾纓。

二

谷口風兼雨。茅齋念々秋。寒烟浮島嶼。白水亂
汀洲。散地耽高卧。何時作遠遊。近來踈懶甚。十
月罷登樓。

三

野屋清秋暮。寒沙易朔風。歲年悲老樹。岐路感

孤蓬。醉豈逃名士。狂非避世翁。尋常門自掩。無
客到山中。

四

舊家瀕水上。門向釣臺邊。近市來沽酒。中流坐
放船。蒹葭開晚照。洲渚接寒天。漁父如相識。長
歌過我前。

五

蕭條萬峰裏。門巷靜無譁。積草惟三徑。垂楊自

一家寒雲抱古木
晚日媚殘花
歲事看如此
能教負物華

六

寂寞高臺畔
空今故國存
古人不可見
遺迹更堪論
雲度孤城夕
天連積水昏
興亡向來事
無處問乾坤

七

嚴風日以發
落葉轉紛紛
遠樹斜銜照
寒山半

入雲步兵常嗜酒
水部本能文
悵望千秋上
斯人亦不群

八

古人歌舞地
今日幾豪華
世事那能定
吾生謾有涯
秋虫不去穴
寒鴈各依沙
獨少高陽侶
時過酒家

賈長教舍白菊

君家白玉朶
不數黃金花
淡、含秋色
亭、傲

歲華開雲依檻靜。明月傍壇斜。偶坐題詩去。寒香為爾誇。

雪

一雪今冬早。霏、白滿沙。隨風斜看樹。帶雨不成花。曲檻寒仍裊。空庭晚更加。城中一萬戶。歌舞是誰家。

寄贈莊國賓

上館宜才子。佳名玉葉光。文章奪雲錦。衣服惹

天香。下筆驚鸚鵡。吹簫跨鳳凰。淮王門下客。冠蓋日相望。

至日二首

一卧鄉園晚。頻看物候新。水霜寒近臘。梅柳時催春。直道何時泰。生涯舊業貧。蕭條一杯酒。愁絕對佳辰。

二

再、天時逼。悠、人事催。坐觀羣物變。又見一

陽回遠樹朝暉發。孤城凍霧開。長安望不見。回首獨餘哀。

長安月

萬里長安月。曾看照綺羅。徘徊留舞廣。宛轉逐遊珂。錦幌披青霧。朱樓拂絳河。佳人獨愁思。終夕抱雲和。

登釣臺四首

歲暮荒臺上。孤高望不窮。亂山浮落日。遠水抱

寒空。野鷺時親客。江鴻晚避風。終期謝城市。來此伴漁翁。

二

出郭初冬暮。登臺日已曛。碧潭寒吐月。孤嶂脫生雲。名姓嫌人識。悲歌欲自聞。沙鷗莫飛去。應共爾為羣。

三

古人棲隱地。今日我重來。寂寞千山裏。烟波萬

古臺岩寒蒼桂落沙脫白鷗迴慷慨無久悵長
歌不放杯

四

薄暮登臺罷雲山興不忘門人携酒至日落更
傳觴一水星河渺孤烟島嶼長不愁歸路晚明
月在滄浪

送柴先生二首

迢遞京華路憐君歲暮行一尊淮水上疋馬楚

王城白首家無定黃金藥未成蓬瀛如可涉約
爾共逃名

二

季夏辭燕地經冬滯汝湄孤城一相送岐路不
勝悲為客江湖遠求仙歲月遲世途來不易相
見更何時

大復集卷第十六

